

DEO OPT. MAX. VNI ET TRINO, VIRGINI DEIPARÆ, ET SANCTO LVCAE
ORTHODOXORVM MEDICORVM PATRONO.

QVÆSTIO MEDICA

MATVTINIS AGITANDA DISPUTATIONIBVS.
PRO PRIMA APOLLINARI LAVREA CONSEQVENDA
IN PVBLICIS MEDICORVM SCHOLIS

CELEBERRIMÆ CADOMENSIS ACADEMIÆ.

PRÆSIDE M. IOANNE LYOVLD, DE MÔNLIEU, DOCTORE MEDICO, ET PROFESSORE ORDINARIO.

26

An sanis Ciborum varietas fugienda?

PARTIVM Medicinæ antiquissima existit, statim enim à Mundi primordijs incepit, plantarum quippe herbarumque salubrium notitiam, homini infudit Deus, quibus sese & tueri, & conseruare posset: eratque ipsi arbor vitæ Cibus Medicinalis & conseruatiuus. Hæc, etsi in præsentem motum corruptione, quasi abiecta & inutilis, ab hominibus contemni videatur, *θεωροῦμεν* tamen est anteponenda; præstat enim morbum non admittere, quàm semel admissum magno vitæ periculo propulsare. *ὅμως* rerum non naturalium vires cognoscit, quarum vñu conuenienti, sanitatem conseruat, in recta partium similium temperie, organicarum compositione, vtrarumque denique vnione positam. Res non naturales naturam nostram non constituunt, sed sunt indifferentes, bene quippe vtenti, bonæ; malè vero vtenti, malæ: senario numero continentur, aëre, cibo, potu, somno & vigiliâ, motu, quiete, excretis & retentis, tandemque animi pathematis.

OFENSVS nobis aër spiritui conueniens alimentum & refrigerationem præstat: huius principium nares, aspera arteria, pulmones, factaque per totum corporis habitum transpiratio: vno enim confluxu & conspiratione vnâ, aëris per cuncta rerum meabilis substantia, ab extremâ superficie ad intima perueniens, calorem natium optimè fouet & moderatur. Tanta est aëris necessitas, vt quoad viuimus, spiritum de Cœlo ducere cogamur, neque animus sine animâ, neque anima sine spiritu & aëre teneri, conseruarique possit. Inspirati aëris, quàm circumfusi, tantò maior ad immutanda corpora vis est, quantò is vberius & maiori copiâ profunda corporis subintrat. Aër ad sanitatis tutelam eligatur, qui omnibus ex æquo naturis sit profuturus, tenuis, patens, purus, nullisque inquinamentis, aut vllâ putredine obfusus. Nemo ergo, qui sanus esse voluerit, agrum emerit, pinguem licet & feracissimum, in crasso, opaco, & pestilenti aëre situm; ibi enim cum orco ratio ponenda est, ibi Colonum vita dubia, fructuum perceptio incerta, sæpeque mors quæstus longè certior existit.

NEOYE sanitatem conseruat sola ambiens natura & conditio, Medico etiam sanitatis custodi laborum cura esse debet, somni & vigiliarum, excretorum & retentorum, atque etiam animi pathematum; maxima verò cibi & potus, in substantiâ, quantitate, qualitate, tempore & modo: insunt enim animalibus præter spiritus, humida & solida substantia, quarum est indesinens & perennis effluxus à calore nativo subiectum suum, pabulumque, dissipante. Alimentis itaque in subsidium vtatur *ὁμοιότης*, quibus exhausta partium substantia refici & reparari possit: nisi enim citò succurratur, animantem breui cadere necesse est. Idonca ad hæc suppeditantur alimenta, ex plantis solum & animalibus petita. Principium alimentorum, os, stomachus & ventriculus, in quem, vt in maximum naturæ promptuarium, ingrediuntur, quod maris instar, lingulis corporis partibus quasi per *πνεύματιν* mittit, & ab alijs quasi per *ἐμπύκνιν* vndiquaque recipit.

IN ventriculo fit prima Ciborum concoctio, quæ si praua fuerit, cæterarum tonus collabatur: hincque propter ventris segnitiam, vasorum impuritas emanabit, factaque omnium confusione, cibi malè commutati, fatum sibi à naturâ destinatum non explebunt. Coctionem ventriculi à chylificatione si distinxeris, mentem Galeni attinges: illam efficit ignis ventriculi, qui depositâ, per aquæ commixtionem, virilitate, in feminam quasi conuersus est, quemque iuuat spiritus cibus insitus, ipsorumque calor internus, partiumque nobilium benignus & vitalis influxus. *χολαί*, producit ventriculi *ιδιουργία*, adiuuante eiusdem calore, pituitâ sui generis, cum quâdam bilis parte, spirituque acidulo, totum liquorem in ventriculi cauo perfundente. Ne ergo primâ illa ventriculi symphonîa corruente, cæterarum harmonia perueratur, *ὡπερ* & *ὅμοια* iustâ quantitate ingerantur, quæque ventriculo vim nullam inferant: est enim sobrietas, sanitatis, longiorisque vitæ parens: nolce itaque teipsum & proba, cibi enim & potus ad quantitatem, indigent experientiâ. Neque primas, aut secundas alimentorum qualitates sperne; vt enim illorum moles aliquando facultatibus melior percipitur, sic etiam aliquando facultates alimentorum, mole meliores sunt. Temperata itaque temperatis præscribe, calida frigidis, frigida calidis, &c.

COMMODA ingerendi alimenti occasio, fames: est enim verum cibi condimentum, quam si luxurionum & comedonum instar, ciborum ingestione præuenias, statim cruditas exoritur, morborum omnium origo & seminarium. Famem rectè expresseris, per alimentum concupiscentiam, ex penuriâ molesta sensatione enatam: sedem habet in ore ventriculi superno, quam efficit partium fame lattrantium succus, & acidulus quidam liquor, spiritu quodam dissolvente perfusus, siue à liene, siue à cæliacâ arteriâ in illud effundatur. Quandiu sanus vixeris, ciborum ordinem non ita attende; caue tamen, ne varietate illectus *καὶ ὁμοίᾳ* permisceas *ὁμοίᾳ*: hanc etenim fuge cane pejorem & angue: est enim prauum gulari irritamentum, iniquationis in ventriculo & omnis perturbationis fundamentum. Neque aut ætati, aut viribus nimium fidas; etsi enim ex prauâ illâ varietate noxa sensibilis inueniuntur corporibus officere non videatur, quemadmodum tamen gutta cauat lapidem, non vi, sed sæpe cadendo, ita temporis progressu, post diuturnam, prauamque viuendi rationem, viceribus impressa labes, eaque indelebilis, sese manifestam faciet, citioremque mortem afferet: vt igitur imminuentium inde malorum turbam, fatique præcocioris necessitatem inuitabilem auertamus, iure concludendum esse arbitramur.

Ergo sanis Ciborum varietas fugienda.

Proponebat Cadomi FRANCISCUS DE LA BRIERE Viriensis, Artium Magister, die nonâ Nouembris ab Octauâ ad meridiem. A. R. S. H. M. DC. LXIII.
CADOMI, Apud IOANNEM CAVELIER, Regis & Academiæ Typographum.

